

SAKSPAPIR

Saksnr	Utval	Type	Dato
026/19	Levekårsutvalet	PS	17.09.2019
059/19	Formannskapet	PS	19.09.2019
	Kommunestyret	PS	

Saksbehandlar	ArkivsakID
Pia Charlotte Aarsand Syversen	14/2462

Avtale om administrativt vertskommunesamarbeid om Kriesesenter for Bergen og omegn

Vedlegg :

Vedlegg 1aii - Oversikt over kontaktpersoner.PDFVedlegg 1ai -Tjenestebeskrivelse Kriesesenter for Bergen og omegn, revidert 24.05.2019.PDFVedlegg 1 - Samarbeidsavtale.PDF

Rådmannen sitt framlegg til vedtak

Kommunestyret godkjenner avtale om administrativt vertskommunesamarbeid om Kriesesenter for Bergen og omegn slik den ligg føre (vedlegg).

Rådmann får fullmakt til å godkjenne seinare mindre vesentlege revisjonar av avtalen, og peiker ut aktuelle kontaktpersonar som representerer kommunen.

.....

Levekårsutvalet - 026/19

LE - behandling:

Orientering til saka v/Leni Dale-kommunalsjef Helse og omsorg
Rådmannen sitt framlegg vart samrøystes vedteke.

LE - vedtak:

Uttale i Levekårsutvalet - 17.09.2019:

Ingen merknader.

Saksopplysningar:
Politisk handsaming

Saka skal til uttale i Levekårsutvalet

Saka skal til innstilling Formannskapet

Saka skal avgjerast i Kommunestyret

Bakgrunn

Viser til gjeldande avtale vedtatt i Kommunestyret 25.11.2010 saksmappe 07/2524 og fornya i kommunestyret i sak 049/14. Etter denne avtalen er oppseiingstida 1 år med avslutting 31.12 påfølgade kalenderår.

Foreningen Kriesesenteret for Bergen og omegn har hatt kontrakt om drift av kriesesentertilbod for Bergen kommune og omegnskommunar. Avtalen har vore forvalta av Byrådsavdelingen for helse og omsorg. Avtalen var gjeldande fram til 31.12.18.

Byrådet i Bergen kommune vedtok 18.09.18 at kriesesentertilbodet skulle driftast i kommunal regi frå 01.01.19. Dette førte til at Bergen kommune ved Byrådsavdelingen for sosial, bustad og inkludering (BSBI) tok over drifta av kriesesentertilbodet frå januar 2019.

BSBI har i tråd med måla for kriesesenteret i kommunal regi erfart eit behov for tenestemessige forbetringar. Det er behov for å inngå ein ny samarbeidsavtale for det administrative samarbeidet mellom Bergen kommune som vertskommune og samarbeidskommunane.

Aktuelle endringar i ny samarbeidsavtale:

- Opphaldstida skal vere avgrensa og strengt behovsprøvd. Det skal vere betalingsplikt for deltakarkommunane for opphald ut over 6 veker. Kvar kommune er forplikta til å bistå med å reetablere brukar(ane) i eigen eller anna kommune.
- Deltakarkommunane skal sjølv gi tilbod til personar som er til fare for seg sjølv og andre.
- Det skal vere hyppigare samarbeidsmøte enn tidligare med minimum 3 møte i året- 1 på overordna nivå og minimum 2 på anna nivå.
- Oppseiingstida blir utvida frå noverande 1 år til 4 år. Det er plikt for alle samarbeidskommunane til å delta på tilhørande snarleg møte for å drøfte konsekvensar ved eventuell oppseiing frå ein eller fleire deltakarkommunar.
- Deltakarkommunane har plikt til å delta i arbeidet med å utarbeide rutinar for samarbeid med Kriesesenteret, koordinering med meir.
- Deltakarkommunane pliktar å peike ut kontaktpersonar for juridisk forvaltning av avtalen samt for respektive fagområder der det blir ytt teneste frå kriesesenteret.
- Ny samarbeidsavtale presiserer at deltakarkommunane sjølv skal syte for tilrettelagd undervisning, skuleskyss og helsetenester etter helse- og omsorgstenesteloven med meir.
- Bergen kommune ved Kriesesenteret for Bergen og omegn skal utarbeide framlegg til administrative og operative rutiner for samarbeidet. Framlegget skal drøftast i

samarbeidsmøte med deltakarkommunane.

Samarbeidsavtale om vertskommunesamarbeid skal vedtakast av kommunestyret i kvar einskild deltakarkommune. Etter at alle deltakarkommunar har utført aktuelt vedtak blir det kalla inn til oppstartsmøte innanfor ny avtale.

Økonomi

Lindås kommune betalte eigendel for 2018 kr 645 300. Eigendel for 2019 er budsjettert med kr 650 000.

Bergen kommune melder at foreløpige vurderingar tilseier ein samla meirkostnad for Kriesesenteret for Bergen og omegn med om lag 0,8 mill. Av dette er om lag 0,5 mill. knytt til eingongskostnader. Det blir meldt om usikkerheit knytt til endeleg rekneskapstal. Kostnadsdeling mellom samarbeidskommunane blir vidareført etter tidlegare avtale.

Døgnpris for opphald ut over 6 veker skal søkast fastsett administrativt innanfor den delegerte fullmakt til administrasjonen som følgjer av vedtaket. Bergen kommune som vertskommune vil søkje å fastsette denne etter å ha lagt fram forslag til drøfting i møte der alle samarbeidskommunane blir invitert.

Eventuelle kostnader knytt til avvikling av avtalen med Foreningen Kriesesenteret for Bergen og omegn kan kome i tillegg.

Vurdering

Samarbeidsavtalen (vedlegg) er ein avtale etter kommuneloven §28-1 a. og 28-1 b., jf § 28-1 e, mellom Bergen kommune som vertskommune og samarbeidskommunar om kriesesentertilbod jamfør Lov av 19.6.2009 nr. 44 om kommunale kriesesentertilbod (Kriesesenterlova).

Rådmann vurderer det som tenleg å halde fram samarbeidet om kriesesentertilbod, og slik sikre formål i loven med omsyn til «..å sikre eit godt og heilskapeleg kriesesentertilbod til kvinner, menn og barn som er utsette for vald eller truslar om vald i nære relasjonar».

Det er per dags dato 22 deltakarkommunar som samarbeider med Bergen kommune om drifta. Rådmann er positiv til at Bergen kommune tek avgjerd om å drifte kriesesentertilbodet i kommunal regi. Ein ser det og som føremålstenleg å gjere endringar i samarbeidsformer, utarbeidelse av prosedyrar, presisering av ansvarsdeling mellom vertskommune og samarbeidskommune med meir. Viser her til mellom anna «Tjenestebeskrivelse – Kriesesenter for Bergen og omegn» (vedlegg).

.....